

Schrick, Michael

Ain guts nützlichs büchlin von den außgeprenten wassern

Ulm 1502

Res/4 M.med. 296,5

urn:nbn:de:bvb:12-bsb00012352-2

VD16 S 4167



* Res. 4° *
* M. med *
* 296 *
* 5 *

470 M. med. 296 (S)

Schrick

Weller Nr. 246.

470 M. med. 296



Ein guts nutzliches büch
lin vonden außgeprenten wassern.





Jenach steend verzeichnet die außgepraen-
 ten wasser. in wölicher maß man die zu den
 gelydern nützen vnd brauchen sol. als dann
 mayster Michel Schrick doctor der ertzney
 die beschriben hat. vñ ist gar güt vñ nützlich zewissen.
 Item so ainem menschen die red geligt dem
 geb man solua vnd auffenblatwasser.

Zu dem
haube

Salua
 Betthomien
 Maiora
 Lauandel
 Fenchel
 Zolerblie

wasser

Zu dem
augen

Eysenkraut
 Bittersporn
 Rosenwasser
 Aberfenchel
 Rautten
 Augentrost
 Schelkraut

wasser

Zu dem
angesicht

Liliū conuallium
 Honblie
 Rükott
 Rosenwasser
 mit gaffre ab-
 gemacht

wasser

Zu dem
herzen

Porago
 Mellissa
 Ochsenzungen



Zu dem
magen

Wermut
Mintzen
Kautten
Wolgemut.

wasser

Zu der
lebern

Ampffer
Wegwart
Maydistel
Erdbber

wasser

Sür das
reyssen
od grym
men

Papeln
Kautten
Matran
Pffifferling
Aschlach

wasser

Sür die
rue

Wegrach
Nichenlaub
Hymelpiant
Ampffer

wasser

pestilenz

Büchampffer
Diptam
Valdrian
Praxnellenn
Weyßwurtz

wasser

Sür die be
müter

Polay
Weyßlilien
Subentgürtel
Gamillen
Segenbaum

wasser

Sür die ge
schwulst

Lustock
Nachtshat
Pilsen
Hauswurtz

wasser

Zü dem milz

Zymelschlüssel
Zyrisenzungen
Tamaristus

wasser

Sür die wasser
sucht

Ränlin kraut
Aetich
Wildentnoblach

wasser

Sür den sande
in der lend

Mörettich
Tillen
Spizigwegrach
Petersil
Steinbrech
Spindelbaum
Valdian
Spargen

wasser

Hienach volget ain nützliche materi von mangelray
außgepränten wassern. wie man die nützen vñ brauch
en sol zü gesunthayt der menschen. Vnd dae büchlin
hat Mayster Michel Schuck doctor der ertzney durch
lieb vñ gebet willen erbern personen auß den büchern
zusamen colligiert vnd beschriben.

aiij

Zu dem ersten von dem Rosenwasser.

X Rosenwasser ist ain wenig kalt vnnnd vast
trucken. Das selbigwasser ist gebiant güt
den krancken leütten die onmechtig seynd
von vnnatürlicher hitze den sol man es an
streichen vnnnd stercket das hertze vnnnd ist
güt für die pestilentz. vñ wem das haubthayß ist. vnd
sunderlich zu der röte geschwoern vnd kranckhayt der
augen. Es ist auch güt zu der hayssen leber. vñ an den
schlaff vñ pulß gestrichen legt es die schüsse vñ mache
güte rüwe zeschlaffen. Vnd sunderlichen so man ma-
nus cristi damit temperiert. das ist güt für onmecht.
Vnnnd verstelllet auch den fluß der rür in dem bauch.
vnd erkälet die lebern vnnnd den magen. Vnnnd ist güt
wenn man plüt auß sprützlet.

Von Rosen die auff den hagendorn steend.

Rosen die auff den hagendorn steend. Das wasser ge-
biant ist warmer natur. vnd ist güt dem der kalter na-
tur ist. vnd wem der magen erkaltet ist dem sol man es
geben zu niessen. vnd was siechtumbs dan der mensch
von kelte wegen hat. dar für ist es güt.

Von schnellblumenwasser.

Clapperrot rosen oder schnellblumen die in den Pomm
wachse. Das wasser ist güt genützt für all ynnwen-
dig siechtagen die von wasser hitz sind besunder zu der
lebern wan sy vol vnnatürlicher hitz ist Vnd getrunck
en so hilfft es für das wild freysam an iungen oder al-
ten leiten. Vnd sunderlichen ist es güt für sant Antho-
nis plag darauff gelege vnd getruncken. Auch die fra-
wen die irer kranckhayt zu vil habent die trincken es.
Auch ain tüchlin darynn genetzt vñ zwischen die prust
gelege das verstelllet in die kranckhayt. Auch ain tüch-
lin genetzt vñ auff die lebern gelegt verstelllet das plü-

den der nasen. vnd ist güt für alle feüchtin vnnnd fretten
in dem mund vnd der leffzen.

Von weysß Lilienwasser.

Der weysßen Lilienwasser ist güt zu den augen darein
vnd darumb gestrichen nach dem bad. das zeücht die
hitz vnd die rötin auß das sy lauter werden vnd nicht
schwerent. Vnnnd sunderlichen das antlitz darmit ge-
waschen machet es lautter schön vnd klar. Es ist auch
güt wenn ain mensch onmechtig vnnnd hizig ist vmb
das hertz vnd vmb die lebern. vnd ist güt den die böß
feüchtigkayt haben vnd die eng seind vmb das hertz
von bößer hitz wegen.

Von blau Lilienwasser.

Blaw lilienwasser ist güt für alle fieber wölicherlay sy
seind. Es ist auch güt getruncken für die roten wasser-
sucht vñ lebersucht vñ gelsucht vñ für das darmgichs
vnd grymen in dem leyb vñ alt wunden vñ den krebs
vñ für Noli me tangere das haylet es gar schon.

Von Specklilien oder veld gilgen.

Specklilien die in den dom wachsendt. das wasser ist
güt für das hertz gesperz vñ bezwang vñ die prust vñ
ist güt den wassersüchtigen vnd den die lungen faules
oder geschwer daran habent vnd die ser reichent vnd
machent langen atem vñ raumet die prust vnd ist güt
den die den stain in den lenden haben vnd rainiget die
nieren vñ ist wider die vnkeüschayt güt. Auch ist es dē
güt der sich besorget sunder siech zewerden vñ wer rot
vñ platert ist vnder den augen. Es macht schene vnd
glatte antlitz vñ ist güt wen der tropff oder schlag ge-
troffen hat. vnnnd wem die gelider erlamet oder dures
seind der sol sich damit schmürben so hüffe es in.

Von Mayen plümenwasser.

Lilium Convallium. Das ist Mayen plümenwasser.

Das ist güt wer gift genossen hat. Das sol man ym zu
stund zu niessen geben. vnnnd wenn ain spynn oder ain
giftig tier oder wurm verunrainiget het oder ain wüe
tender hund gebissen hette. wenn sy das wasser trincken
so hilfft es sy. Es ist den frawen güt so sy zu den kinden
arbaytend. vñ ist güt für allen vnrainen siechtagen vñ
sunderlichen zu den augen die kläret es. vnd kressiget
das hynn vñ das hertz vñ stercket die synn. vnd ist güt
den die den vallenden siechtagen habend. vñ die sich
fürchtend vor der aussetzigtayt vñ frawen kranckhaie
vñ wem die sprach gelegen ist dem streicht man es auff
die zungen.

Von Veyel wasser.

Veyel wasser ist güt zu den vnsynnigen vnd die ir syn-
ne verloren habend von übeln vnd bösem geschmack
oder rauch. Auch das wasser in ainem leynin tüchlin
generzet vñ auff die feygwarzen geleyet die vertreybt
sy. Auch küelet es das hertz natürlich vnnnd leschet den
durst. Vnnnd ist auch güt den menschen den die augen
schweren wöllen. vnd ist nutzlich vnd güt den die den
hertzstechen habend. wann es küelet vnd kressiget den
ganzen leybe.

Von Gelben veyel wasser.

Gelben veyel wasser ist güt den die zu sere gehelset ha-
ben die stercket es. vnd kressiget die leber vnnnd die nye-
ren vnd machet die frawen fruchtber. vnd rayniget sy
nach der geburt. Es ist auch güt wem das hynn kranck
ist von keltin wegen das wermet es vnnnd stercket die
synn. Auch kressiget es die gedechtnuß vnnnd machet
güt synn. vnd erfrewet die sele vnnnd auch das gemüß.
Auch leicere vnd stercket es das verdorben plüt vnnnd
wermet das marck in den knyen vnd treybet alle kalte
sucht auß. Es ist auch güt den die das paraliß od aber

Der schlag getroffen hat das ym die zungen lam ist. vñ
mit gereden kan wenn man das trincket vnd die seyten
damit wol schmürbet. Auch wenn die hend zittert der
sol die hend darmit schmieren vñnd nicht trincken so
benymbt es ym das zittern. Auch kület es ymwendig
das hertz vnd erfrewet das geplüte. Auch ist es güt für
alle flecken die vnder dem antlitz sein. sy seyen vñ hitz
oder von kelte. vnd macht das antlitz weyß liecht vñ
klar. Ein tüch darynn genezt vnd vmb das haubt ge
bunden das ist güt vnd legt allen wetagen vñ schüsse
des haubtes vnd macht wol schlaffen.

Von Seeplümen wasser.

Seeplümen die weyssen mit den braytten plettern die
da auff den seen schwebent. Das wasser gebrennt ist
vast nützlich vnd güt für die rotten flecken vnder den
augen die do von hitze seind. wann es nymbt alle hitz
an sich. Es machet auch weyße haut vñnd keltet das
hertze vnd die leber kreffriglichen. Auch lescht es alle
fieber an des menschen leyb sicherlich.

Von Rittersporn wasser.

Rittersporn wasser geprent das ist gar nütlichen vnd
güt für alle röte vñ geschwere der augen. wan so man
an tüchlin darynn netzet vñnd über die augen legt. so
geet alle röte auß den augen vñnd macht sy klar vñnd
wöret auch den geschwern vñ ist güt für allen getrang
in dem leybe vnd für das darmgicht. vñ wer die speyß
nit behalten kan. Auch treybt es den harm stain.

Von Ochsenzungen wasser.

Ochsenzungen wasser ist güt als das Rosenmarin
wasser Es ist auch gar güt für die schieppen das haub
tes. vñnd sunderlichen so ist es gar güt den frawen für
ir krankhaye vnd sich tumb.

Von Pouragen wasser.

Poragen wasser ist gut in aller mass als vñ den rosen
marin plümen. Auch ist es sunderlichen gut für das
paralis vnd für alle flüß die von dem haubt kómen.

Von Linden plüe wasser.

Linden plüe wasser ist gut den kinden die den vallen-
den sucht habend. den geb man es zetrincken so gene-
sen sy. Es ist auch gute für die bermüter vñnd zitterung
des hertzen vñnd für den stain. Auch ist es gut den die
hend oder füß erfroren seind vñnd zeücht die keltin her-
aus. Auch ist es gut für all siechtagen die von keltin kó-
ment. vñnd sunderlichen den frawen wenn in die wäter
erkaltet ist.

Von Wegrich wasser.

Wegrich des prayten wasser ist gut für die rüt. so man
es gibt mit bolo armeneo oder mit dem stain amatist-
en zetrincken. dann verstellet es den selbigen fluß vñnd
stillt auch den frawen iren siechtagen. Der spizig
wegrich ist gut zu den wunden wenn man sich damit
wäschet so rayniget er die vñnd haylet sy.

Von Saur ampffer wasser.

Saur ampffer wasser ist gut zu allen hitzigen dingen.
wann es kület vñnd leschet alle hitzige suchte. sy seyen
ynnwendig oder außwendig. Es kület ser die hitz des
haubtes vñnd auch die lebern. vñnd alle gelyder des
leybes. vñnd sunderlich sant Anthonis plag. vñnd für
die pestilenz.

Von Nacheschatten wasser.

Nacheschatten wasser kület vñnd vertreybet alle hitz
außwendig oder ynnwendig des leybes. vñnd sunder-
lichen was hayß aposteten oder geschwer seynd. oder
was hayßer geschwulst ist. das getruncken vñnd mit
ainem tüch darauß geleyet auß das haubt. wann es
Belc stercklich alle dñg.

*It zu zu den
wunderp.*

Don Hirsenzungen wasser.

Hirsenzungen wasser ist hayß vnd trucken. Vnd ist außserwelt güt zü dem miltz. Item es wirt des miltzes ge zü zeyten so hört in dem menschen als ain stain vnd krachet laut das man es scheinbarlichen höret als der spen abprech. Dar für so sol man das wasser trincken viertzig tag so hilfft es gewislichen Es ist auch güt für den heshen vnd zerpricht den stain in den lenden vnd auch in der plater. Das ich Michel schielf offte bewere hab das es gar güt ist für schwer grausen vnd soichsam trem die offte von boßhayt des miltz komet. Des gleichen für schwärmütigtayt vnd traurigtaye die auch von dem miltz vnd melancoley komen. Item man mag es wol müschen mit wild Seuenbaum wasser auff das halbtayl. wann sy seind bayde gar güt für all prechen vnd boßhayt des miltz.

Don Hauswurtz wasser.

Hauswurtz wasser das kület ser. vnd ist gleich dem Maursseffer. doch ist es vil kelter an ym selber vnd is Pains ist dem menschen güt hinein getruncken.

Don Wegraß wasser.

Wegraß wasser ist güt für den roten durchgang. auch leschet es das wild ferner. Vnd wenn ain mensch böß platern hat. So man es dann darüber bindet so hilfft es gar wol.

Don Brannellen wasser.

Brannellen wasser ist güt für das gesegnet vñ das freysam iungen vñ altē leuten. Auch ist es für die pestilenz güt vnd besunderlich für Krüme vñ fetile in dem mund vñ was vñ böser vnnatürlicher hitz komet das küle es

Don erdtrauch oder Centaer wasser.

Erdtrauch wasser od Konzentrebels wasser ist güt dem mensche die sich fürchten vor d außsezigtait. vñ ist güt

getruncken für alle kretz vnd reißigkeit auß dem leyb
dörret es. vñ hallet darnach. vñ sunder so man nymbe
ain wenig triacker. vñ ain guten trunck darauff wen
man in das bad will geen. so schwitzet man alle suchte
vnd giffe auß ym. vnd er sol sich nit begiessen er sey
dan wol erschwitzet. wan das vertreybt allraude oder
grind ynnwendig vnd außwendig. Es rayniget auch
den siechtagen der frawen. wann sy es nutzen so sy sein
nottürßig seind das hilfft so wol.

Von Stainbrech wasser.

Das kraut sol gar wol gut sein für das greyß oder sand
Das kraut ist vnden geschickt an den plätlin als ain ro
sen vnd hat auff dem plätlin lang rot stengel vnd zu
oberst an den spizen auch wenig plätlin. Es ist auch
gut für den harmstein den bucht es.

Von Abschlag wasser.

Abschlag wasser ist gar hayß als zweyfal. vnd hat ain
böse feuchtigkeit. vnd ist böß zu den augen. wan man
sein zu vil nützt. Es macht schlaffen vnd verzeret vil
feuchtigkeit in dem magen. darumb trincket man es
für die wirm vnd für das grymmen.

Von Pappel wasser.

Pappel wasser ist kalt vnd feucht. vnd mer feucht dan
kalt vnd ist gut zu erwachen alle harte ding die hitzig
sind. wan es feucht gar wol ynnwendig vñ außwendig
Es ist gut zu dem schlauff vñ zu dem hayssen fieber. vñ zu
der dörung wen man damit waschet die bain. vnd ist
auch gut das man die kregung damit wischt. Des ge
leichen groß hüffelen wasser habent die krafft.

Von Beyfuß. subent gurtel od rot bucken wasser.
Beyfuß oder subent gurtel wasser ist hayß vñ trucken
in dem andern grad. vñ ist gut zu den schaben an dem
har. vnd läßt bey zeyten bart wachsen. vñ stercket die

brust vnd den kalten magen. vnd ist güt für die würm.
vnd bringet die frawen kranckhayt vnd den brunnen.
vnd vertreybt den sandt. vnd brücht den stain. vnd ist
güt für das gicht. Vnd das kraut vertreybt all giftig
würm so man es seüdet vñ bespienget die gemach der
heüser damit. Vnd law getruncken vertreybt die beer-
müter. Vnd ist güt für die gelsucht vnd für die pläung
der lebern vnd des miltz.

Von Sparigwasser.

Sparigwasser ist geleich hayß vnd trucken. vnd das
wasser bringet den brunnen als vast als der brunnen dar
nach schmeckt. vñ darumb ist es güt zü dem sandt. vñ
vertreybet die materi do sandt auß wirt. vnd ist güt zü
dem darmgicht. Es vertreybet auch die stopffen der le-
ber vnd des miltz auß den lenden. Vnd wen man wil
vertreyben den gemainen stain vñ den sandt. so sol
man das wasser mit müschen.

Item für die bermüter mach ainen rauch vō weyrach
vnd leg in auff ain glüt. vñ halt den mund darüber
vnd laß in wol in dich geen.

Von Tillenwasser.

Tillenwasser ist hayß vnd trucken geleich. vnd ist güt
zü der feüchtikayt der zeen vñ der puust. wan es macht
vil milch der ammen. vnd ist güt zü dem magen. vnd
bringet den brunnen vnd verderbt den sandt.

Von Eufrasiawasser das ist augentrost.

Eufrasiawasser ist güt wintertzeyren zü allerlay gebro-
sten der in den augen ist vnd wendet den.

Von valdrianwasser.

Valdrianwasser das man außsprent mit den wurtzen
Das wasser sol man trincken für das vergicht vnd für
die biß der bösen würm so man es dem streicht für das
hertz. vnd ist güt für das viertäglich fieber. für den wo

tagen in der seytten ob man sich damit salbe:

Von Selberblüewasser.

Selberblüewasser ist güt zu dem gesicht. Es wirt auch das har schön daruon. vñ der vnflat auß dem haubt wirt daruon vertriben.

Von Hymelpriant plümenwasser.

Hymelpriant plümenwasser ist gar güt für alle geschwulst ynnwendig vnd außwendig so man es trincket. oder ain tüchlin darynnē generzt vñ zwoyfach über den schaden gelegt so die geschwulst außwendig ist. Vñnd für das vergicht ist nichtz bessers dann das wasser zu trincken. Auch wer ynnende augen hab vñ langer zeyt der thu ainen tropffen oder zwen in die augen. etliche tag es wirt gewißlich besser. Es ist auch güt für all geprechen die von flüssen komet welcherlay die sünd.

Item ynnwendig sol man es trincken. Außwendig an salben. Das wasser ist kalt vnd truckner natur. Ich Michel schrick hab es oft bewert.

Von Freysamwasser.

Freysamwasser ist güt den iungen kinden so sy die vn-
nairlich hitz über laufft vñnd sy bekrencket. den gebe man es zu trincken so vergeet es in. Auch ist es güt den die do tempffig seind vñnd das hertz vnd vmb die brust das lufftet vñ hilfft gar wol. Auch ist es güt alten oder iungen leuten die do geschwulst vmb das hertz oder vmb die brust haben oder an der lungen das vertreibet es. vnd ist güt für alle böse hitz.

Von dem erdberwasser.

Erdberwasser ist güt wer vnraynnen bösen schwayff hat in ym vñ ynnwendig böß hitz vñ löschet den durst vnd treybt den stain. vnd macht güt plät mit wein getruncken oder sunst geessen. Es ist auch güt den die faulung in dem mund haben. Auch die ain geschwer hab

haben in der Keelen. Den sol man es geben zū gurglen in
den halß das hilfft sy ser. Auch ist es güt getrunckē für
den stinckenden mund. Es ist auch den menschen güt
die vngeredt ligend. so man in das zū niessen gibt das
hilfft gar wol. Auch so ist es güt zū dem haubt vnd zū
dē hertzen. wan es kressiget sy wol. Auch so ist es vast
güt den frawen zū irer krankhayt. Auch ist es güt wi-
der das abnemen. Es ist auch güt den menschen den
ain bain zerbrochen ist so haylt er das vñ wechset wider
vmb zūsamē alle bain vñ auch all wunden da mit ge-
waschen die haylt es. vñ wer etwan in dē leybe wunde
wäre. dem selbigen sol man es zū trincken geben.

Von Meißorwasser.

Meißorwasser ist güt für das abnemen getruncken.
Es wōret auch der bermütter. Es ist auch güt für das
Darmgicht. vnd für den schwindel in dem haubt. vnd
für das plüt speyen. Auch ist es güt für all fleckē vnder
den augen wen man sich damit wāschet vñ nit trincket
so vertreibt es die fleckē. Vnd ist güt den frawen den
die mütter übersich steigt vñ sich krencken vñ den grym-
men vmb den nabel haben. vnd tōdtet den wurm in
dem bauch zestunden.

Von Stabwurtz wasser.

Stabwurtz wasser ist güt den iungen kinden für das
heitz gespon vnd für das grymmen in dē bauch. Es ist
auch güt den kinden die die bermütter haben vñ auch
ist es güt für die haubt sucht.

Von Täschenkraut wasser.

Täschenkraut wasser ist güt getrunckē dem der zū der
nasen plütet. Vnd ist güt für die roten vnd weysen rür
Vnd sunderlichen den frawen die ir sucht ze vil haben
oder auch sunst den bauch fluß. Vnd ist güt zū dem
stein den vertreybt es.

Von Spindelbaum oder paffen hödel wasser.
Spindelbaum ist hayß vnd trucken vnd ist güt zu den
aissen in den plattern vñ in den nieren vñ zu den hayß-
sen geschweren. vñd vertreybt alle hitz. Vñd ist gar
güt für die gelsucht wann es treybt die geschwulst durch
den brunnen auß in ainem volbad. Mag man aber
das wasser nit gehalten so seud die wurtz in ainē wein.
vnd trinck das in ainem volbad.

Von Walwurtz wasser.

Walwurtz wasser ist kainem menschen güt zetrincken
wann es ist gifficig. aber sunst wol damit geschmirbet
so vertreybt es das gegicht. vñ lescht das hellisch feür
vnd legt alle geschwulst wo sy der mensch hat.

Von Rättich wasser.

Rättich wasser ist güt für den reysenden stain. Auch
töttet es die würm in dem magen. vnd bringet die vn-
derung. vnd macht harm. vnd treybt den sand. Des ge-
leichen thüt der Kreen.

Von Mörättich wasser.

Mörättich wasser ist güt zu dem reysenden stain. vnd
zu dem plasen stain. Auch das wasser gesaltzen vñ ein
wenig gewermet vñ nüchter getruncken vnd ain klain
zeyt halten. vñ dau ain feder in öl getunckt vnd in den
hals gestossen vñ gewürtz das firt die kalten verlegen
feüchtigkeit auß vnd die wesserigen gallen danon die
terciana vnd quartana komen das vertreybt es.

Von dem wilden Saluan wasser.

Item wild Salua wasser ist güt vñd nützlich für den
stechen zu de hertzen vñ dem bösen geplüt. Auch so ist
es güt vnd nützlich den menschen der geuallen oder ge-
schlagen oder gewundet ist das er sich plütet. vñ das
plüt das in ym gerunnen ist das treybt es vñ einander
vnd treybt es von dem menschen auß dem leyb.

Von Gamillen wasser.

Gamillen wasser ist hayß vnd trucken. vnd ist gar natürlichlicher menschlicher complexion. Vñ ist güt zu aller müdin aller gelider. vñ sterckt die gelider ser. vñ treibt den pummen. vñnd rainiget das fieber wenn man den rucken damit salbet. vnd ist güt für der frawen Franckhayt wann es bringe sy.

Von Petersilien wasser.

Petersilien wasser ist güt für den nieren stein. dē brüche es vnd treibt in auß. Es rainiget auch die lebern vñnd hilfft zermal wol wer nicht harmmen oder gebungen mag.

Von Baldrian wasser.

Baldrian wasser ist güt wenn ain mensch darinnen nach dem bad ain tüchlin netzet vñ über die augē lege das macht die augen liecht vnd klar von der hitze vñ rauch des bades Auch das wasser getruncken vñ auff seygwärzen gelegt vertreybt sy mannen vñ frawē vñ getruncken hilfft es wen etwas ertzney oder wer sunst zerprochen ist das haylet es sere. Auch getruncken des morgens nüchter ee das man auß dem hauß geet ist es güt für den rauch vnd schmack der pestilenz.

Von Bethonien wasser.

Bethonien wasser ist vast güt vñ nützlich für alle suchs in dem haubte die do von hitze seind. mit ainem tüchlin darumb gebunden das vertreybt den wetagen vñ auch die schiße in dem haubte. Auch ist es güt zetrincken zu dem verhitzigeten magen vñnd lebet die kület es vnd haylet es sicherlichen. Auch ist es güt den frawen die zu den kinden in der geburt arbaytend. vñ seübers in auch ir Franckhait. Auch haylet es alle vergiffte biße vnd toben der thier vnd müten der hund.

Von Bittenblüewasser.

Ritterblüewasser myndert den frawen ir plödigkaye
die es zu vast habend den verstellert es vnd krefftiget
das hertze.

Von Bertelenwasser.

Abrauter oder Bertelwasser ist hayß vnd dilt. vñ ist
güt für den atem der von keltin kombt. vñ für den kal-
ten magen. Es verzeret das rotz in dem magen oder in
dem gedärm auß dem der schleim wechset. vñ die wär-
me in dem magen. Auch ist es güt für das vergicht vñ
bricht den stern vnd bringet den harm.

Von Fenchelwasser.

Fenchelwasser ist hayß vnd trucknet gar vast. vnd ist
güt zu den augen. vñ wen die natur von dem läg oder
neht geet so laufft sy zu dem fenchel. Auch so ist es güt
zu dem verstopffen zu dem milz. vñ wen sich d'bauch
placet den purgirt es vnd bringet den harm.

Von Holerblüewasser.

Holerblüewasser ist hayß vnd trucken. vñ fürbt die le-
ber vnd macht das antlitz schön vñ vertreybt die ma-
sen vnd den augen das von der hitze der sunne kombt
vnd hilfft zu dem haubt weehinden auff dem nack in
ain tüchlin naß gelegt vñ angestrichen. vnd weret den
aussertzigkaye vnd meret den magen.

Von Blaw Komblümenwasser.

Blaw Komblümenwasser zerprucht die fell ob den ang-
en vnd macht das gesicht lautter. vnd rote augen wer-
dent darvon schön.

Item wer von seinen synnen komen war. der nemme
Wegrich abrauten vnd salua. vnd geüß des prannten
weins daran vnd laß in steen ain tag vnd ain nacht.
darnach trinck man dauon fünf tag nach einander so
kombt der mensch wider zu seinen synnen.

Von Maseron oder Meyeronwasser.

Waseron wasser getruncken sterckt ser das hirn vnd treibt den harn vñ der frawen kranckhayt. vñ kreffiget die müter. vnd schleüßt auff all böß materi in dem leybe. vnd die pñsygen menschen macht es weyt vmb die puß das in ringer wirt.

Von Pifferting wasser.

Pifferting wasser ist kalt in dem dritten grad. daruñ vñ seiner übrige keltin ist es nit zerrinckē. aber außwendig überzelegē. daruñ vertreibt es die hitz. es ist auch güt für die hitzigen padogrä so man ain tūch darynn netzt vñ über legt. vñ ist auch güt zu den gelidern.

Von Sunnenkress wasser.

Sunnenkress wasser schreibt Auicenna es sey warmer vñ truckner natur biß in den dritten grad. Das getruncken doch beschaydenlich. wan zu vil getruncken schadet dem magen das vertreibt vast das grieff. vñ das haubt mit genetzt behebt das har das es nit außfelt.

Von Mayen distel od vñser frawen distel wasser.

Mayen distel oder Vehandistel wasser besterckt oder widerbringet all ynnwendig pñchen des mensche. Als an der lebern. lungen. oder an dem miltz. vñ an andern ynnwendigen pñchen vñ kranckhayt. Auch den kinden für das flechen vnd das gesegnet.

Von Ispen wasser.

Ispen wasser ist güt die ainen schwären atem habend vñ schwärlich atment. Auch ist es nutz den die lungen siech seind. vnd denen die ser hūsten vnd nit außwerffen mügendt. Es öffnet auch die adern die verstopffet seind in dem leyb vñ treybt den bösen giffügen schwayß auß dem leyb.

Von Mauchen wasser.

Mauchen wasser ist güt für die roten fleckē vnder den augen vñ macht weyße haut. Auch an den schlaff

Padogra

für grieff

*für den
schwären
atment*

vnd pulß gestrichen oder getruncken macht gar guten schlaff vnd gute rüe vnd senffriget das haube.

Von Tesselwasser.

Tesselwasser ist gut getrunckē für das darmgicht vñ für den grymmen in dem bauch. Auch für die beermitter vñd für die auffsteygenden mütter. Auch so treybe es den stain fer vnd was sucht von keltin seind.

Von Leibstückelwasser.

Leibstückelwasser ist gut wem das haube geschwollen ist vñ wee thüt so man das darüber legt mit ainem tüch. Auch wer das stechen hat in der seyen vnd vmb die prust das vertreybt es. vnd das antlütz damit gewaschen macht es schön vnd lauter von aller rōte. Es ist auch dem magen gut für den stain.

Von Polayenwasser.

Polayenwasser ist gut den frawen den wee zū den kinden ist das man in das zū trincken gebe. Auch so ist es gut zū den augen vñ zū allen weetagen so man es darüber legt. Auch ist es gut zū den kalten süchten in dem haubt od in den oren darein gethon das hilfft sy wol.

Von Ringelwasser.

Ringelwasser ist gut zū allen geprechen der augen wölcherlay das sey von hitz oder von keltin wegen. so leüttert vnd klärt es die augen vñ macht sy schön Auch ist es gut zū allen siechtagen des haubtes.

Von Schelwurtzwasser.

Schelwurtzwasser ist gut den augen. wān es macht sy lautter vnd benymbt in die fel alle vñd alle rōtin der augen vnd auch der gelyder. Es ist auch gut getruncken für die beermitter.

Von Eysenkrautwasser.

Eysenkrautwasser ist gut für alle runckelhaye vnd geschwere der augen vñd des gesichtes. Das sterckert es

Vnd bring den schein vnd den gelantz wider vñ sensfilit
get den weetagen des haubtes vnd auch der prust vñ
offnet die lungen. Auch vertreybt es alles gift von de
menschen vnd tödtet die würm.

Von Salua wasser.

Salua wasser ist güt wer ain böse lebern hat. vnd dem
sy faulet das sol man trincken. Auch ist es güt den den
diered gelegen ist. vñ den es die zungen getroffen hat
oder die gelyder erlamet oder erkrummendte seind den
hilffe es. Vnd ist güt für zittern der gelyder damit wol
geschmieret.

Von Wermüt wasser.

Wermüt wasser ist hayß vñ trucken vñ ist güt den die
ainen bösen kalten magen habend den wermet es. vñ
macht das er die speyß behelt vñ verdawet. vñ macht
guten atem. Es ist auch güt für die würm in dem ma-
gen vñnd in dem bauch. Auch vertreybt es die bösen
feuchtigkayt auß allem leybe. vnd vertreybt das ver-
gicht in der hüffe. Vnd ist auch güt für den heschiz vñ
macht den keiisch der es offte trinckt. vnd mer vertreibe
es auch das wasser das seüßen des haubtes. vnd ver-
treibt die wütung der zeen.

Von Grensig wasser.

Grensig wasser ist güt den die siech seind in dem ruck-
en gerad vnd vil weetagen darynn haben. vñnd auch
für all würm in dem bauch. Auch ist es vast nutzlichen
vnd güt für das darm gicht.

Von Seyden wasser.

Seyden wasser das in dem flachß wechßt ist güt zu al-
ler sucht der leber vñ die lungen rainiget es vnd stercke
sy vñ treybt die bösen humores oder tämpffe vñ dem
leybe vnd vertreybt auch die wasser sucht vnd die gel-
sucht. vñ treibt den harm stain kressiglichen auß. vñ

bij

*für den darm
gift*

ist gut für das grymmen in dem leybe. Auch kläret es
das gesicht vnd ist gut den frawen den die müter in-
erkaltet ist. vnd die ir krankhayt nit zū rechter zeyt ha-
bend. Auch ist es nutzlich vnd gut den die vmb den na-
bel geschwollen seind vnd macht wol harmen. vnd ist
gut wer den stain hat.

*Rünlins Kraut
wasser*

Rünlinkraut flach auff der erden vñ
schmecket als der wolgemüt.

Rünlinkraut wasser ist wenig hayß vñ vester trucken
vnd ist gut wen sich ainer klembt. oder ain glid zerkn-
schet darüber gelegt vñ truncken. vñ ist das best zū der
kalten leber in der wassersucht. Es haylet das gedern
ynnwendig nach dem aytter. Es waichet den hertten
magen. vñ ist gar gut für das täglich sieber wen man
es müscht mit wermüt wasser. Das hab ich Michel Sch-
rick oft bewert. vnd ist armer leüt ertzney.

Von dem Aychenlaub wasser.

Aychenlaub wasser ist gut dem der rot vnd platern-
set vnder den augen ist. damit gewaschen macht weiß-
se haut. vnd vertreybt die rür in dem bauch.

Von Eppich wasser.

Eppich oder Eppich wasser ist gut den die den stain ha-
bend. den treybt es auß vnd rainiget die därm. vñ die
plasen. vnd es ist den frawen nit gut wan es vertreybt
in die geburt geren vnd versürt den samen vñnd thut
schaden den frawen.

Von dem Kuedieck wasser.

Kuedieck wasser ist gut für die hayß geschwulst oder
geschwer das kület vnd zeytiget es. Es ist auch gut für
sant Anthonis plag das löschet es.

Von schwammen wasser.

Schwammen wasser das ist gut für die rotten flecken
vnder den augen.

Von Nünzen wasser.

Nünzen wasser ist hayß vñ trucken geleich. vñ ist den
güt die böse leber oder lungen haben vñ die vast tem-
pffig vñ das hertz seind. Auch ist es güt den die nicht
gedewen mügend vñ die darmsüchtig seind.

Von dem Rosen öl.

Rosen öl mach also. Nym zway pfund baum öl. vnd
leg darein ain halb pfund rosenbleter. vñ thū es in ain
glasß vñnd verstopffes wol vñnd setz es an die sonnen
zwen tag vnd seyhe es dan durch ain tūch vñnd thū
es wider in ain glasß vñnd thū frich rosen darüber das
öl sol man also beh alten.

Von Creützwurtz wasser.

Creützwurtz wasser ist güt wem die leber entzündet ist
von vnnatürlicher hitz dem sol man es zetrincken geb
en. Es ist auch güt für alles gesegnot in dem leib. Auch
ist es güt das man die würm damit vertreybt.

Von Pfaffenkraut wasser.

Pfaffenkraut wasser ist güt den frawen vnd mannen
zü trincken wenn in die müter in dem leybe vñrain ist
oder wee thūt. vñnd besunder so rainiget es die müter
weñ man ain schwayß bad macht vnd das kraut dar-
ynn seüdet vñ dan mit dem leybe auff das kraut sitzet
so hayß man es leyden mag.

Von Lauandel wasser.

Lauandel wasser ist güt allen den die lam seind in den
gelydern das sy die gelyder stätig damit waschen vnd
sol dann ichtz die geüder wider bringen so thūt es das
Lauandel wasser.

Von Zickel wasser.

Zickel wasser ist güt allen denen die do geschwollen
seind so man in das zü trincken gibt vñ die geschwulst
damit bestrichen.

Von Bilffen wasser.

Bilffenkraut wasser ist allen den nützlich vnd gut die do vnnatürlich rü haben ynnwendig oder außwendig in es leibes. so man in es auff das haubt oder aber auff den schlaff legt so gewynnen sy natürliche gute rüwe vnd mügent auch dann darnach wol schlaffen.

Von Genßdistel wasser.

Genßdistel wasser ist den menschen gut die do ynnwendig voller hitz seind. so sy das trincken vnd sich damit schmieren das hilfft sy gar wol.

Von Binsaugen wasser.

Binsaugen wasser ist gut für die geelsucht frawen vnd mannen so man es in zetrincken gibt.

Von Bonenblüe wasser.

Bonenblüe wasser ist gut für die narben oder schmerzen in den augen so man das darein thut so haylet es. Es last auch kein sel darüber wachsen. Es ist auch gut für die narben oder schertzen vnder den augen so man sich damit schmieret.

Von Kranwitber oder Wechalter.

Wie ist zu mercken die tugende der Kranwitber nach laut vnd sag mayster Albertus des hayden. die hat man bewert vnd versucht zu Florentz in der stat.

Item zu dem ersten so nym die Kranwitber zu d
i zeyt vnser lieben frawē verschidung wie vil du
wilt vn seind sy in ainem neuen hasen. geuß dar
auff dē besten wein so du in gehabē magst. setz das zu
dē feür vn laß es wol erwallen. sam es rain vn sauber
vn wen das geschehen ist. so geuß den wein ab den be-
ren in ain rains glas. behalt das wol bedeckt. darnach
so nym des selbē weins auß dem vass so der erste wein
auß gelassen worden ist. vnd geuß den selbigen wein

auff die gesotten Kranwitber. thū ym recht als vor der
erste wein gesotten ist. geüß in als du dem ersten geton
hast. Darnach so nym die Körner vnnnd leg sy auff ain
pret. trücfne sy wol an dem lufft. wen sy dan truncken
werdē. so thū sy in ain vass od in ein krüg. geüß daran
siben morgē oder neun also beschaydenlich alle tage ye
ain wenig. Darnach so trinck des ersten des gesotten
weins frū. Des andern gesotten weins trinck des ab-
ents. so du wilt schlaffen geen.

Item das obgeschriben wasser oder tranck ist güt für
all weetagen des haubts vnd für alle Kranckhayt die
das hertz leydet. für alle prechen des magens. vnd für
alle giffte. Item für allen ynnwendigen prechen der
dem menschen vnwissent ist. Item für den vallenden
siechtumb. vnd das ist war. Item für das paralis.
das ist der schlag. vnd für die tobsucht des leibs. vnnnd
für all Apostema die dem menschen schaden des tags
nit leydigen mag noch geschaden kan. Item für all
flüß des haubtes wie sy sich fügen. Itē für alles wül-
len von wölicherlay Kranckhayt des haubtes das sey
Item für allen prechen des rucken vnd der lenden vñ
der zeen. Item für schmecken vñ stincken des atems
von dem mund. Item für das stechen des leibs vnd
den tampff des leibs vertreibt es inwendig vñ macht
guten ringen atem. Item für all ynnwendig Kranck-
hayt der frawen darvon nit zeschreyben ist. vnd wenn
man die Kranwi ber stoffet vnd des morgens in gesot-
ten waychen ayren ist oder neüßet so wirt ir prechten
daron wendig. Item für all auffezigkayt wie die ge-
nannt ist die vertreibt es gewaltiglich. Item für
alle Kranckhayt des geaders das widerbringtes vnd
waichet das. Item wer die Kranwitbergar wol stoff-
set vnd truckt sy durch ain syb vnd seüdet das wol mit

lein öl vñ risset das wol mit ainer spatula. wenn es dan
wol gesotten ist so laß es wol zu decken vñ also bedeckt
erkalten vñ behale das dan an ainer fetichten stat das
ist dan gut den leuten die do gestoßen oder geschlagen
seind oder genallen. die sol man damit salben bey ainē
feur an der stat do sy iren prechen habend. Auch ist es
den leuten gut die iren schlaff nit gehabt mügend die
bestreichent sich durnit an dem schlaff er sey gesunde
oder siech Man mag auch die ber roch nüchter niessen
für den bösen vergiffen lufft. Sy seind auch zu dem ge
sicht gut vñ bringen grossen nutz vnd gesunthayt.

Von dem geprannten wein.

Er geprannt wein ist gut für das gicht darmit
bestrichen. Wer hayser sey der bestreich sich
mit gepranntem wein vñ den halß vñ trincke
in drey morgen nüchter.

Auch wer alle morgen trinckt den geprannten wein
ain halben löffel vol der wirt nimmer krank.

Item wann ains sterben sol so gieß man ym ain we
nig gepranntes weins in den mund es wirt reden von
seinem tod.

Wer auch geist des weins in ainen toden der erfau
let noch erstinckt nit auff erden noch darunder. Was
flaysch man damit bestreicht es sey roch oder gesotten
das erfaulet noch erstinckt nicht.

Auch wer truben wein hat geist er geprannten wein
darein er wirt wider schön.

Das öl auff geprannten wein gegossen felle zu grund

Wölcher mensch den stain in der plasen hat d trinck
sein all morgen ain wenig das zerprucht den stain. vnd
kombt von ym vnd wirt gesunde.

Auch wer geprannten wein trinckt alle monat ain off

so stirbt der wurme der do wechset dem menschen bey
dem hertzen oder an der lebern.

¶ Der gepriant wein ist auch güt den menschen den das
haubt wee thut. wer sein haubt damit zwahet der ist
alweg schön vñ lang iung. vñ macht gute gedechtnuß
wan gepriant wein stercket dem menschen seine synn
vñ witz. wer sein anelitz damit zwahet der grawet nit.
Er töttet auch die nyssse vñ die milben. vñ wem der
atem stincket der bestreich sich damit vñ trinck ain wo
nig mit andern wein so wirt ym süßer atem.

¶ Item wer den hūsten hat der trinck geprianten wein
mit andern wein so wirt er gesundt.

¶ Auch wer trübe vñ rote augen hab der streich ain
wenig an die brawen. vñ wen erschlassen geet so trāff
er tropffen in die augen so wirt er gesundt.

¶ Item wer nicht gehōret der trāffe ainen tropffen in
die oren so wirt er gehōrent.

¶ Auch wer wassersüchtig sey d trinck geprianten wein
vñ streich in vmb den bauch wenn er auß dem bad
wil geen bey ainem feire so wirt ym baß.

¶ Wer auch orwürme oder ander in den oren hette die
sterbent von dem wein.

¶ Getruckt zu Ulm von Hannsen Zainer
Im M. cccc. vñ d. ij. Jar.

Faint, illegible text, possibly bleed-through from the reverse side of the page. The text is arranged in several horizontal lines across the page.



